

NA KHUT A OM BANG AHIA?

Jamson

Mihingte I mizia uh chituam thei mahmah sak in om. Khenkhat thupi kisalua a midangte bangmah a mulou bang ki-om a, khenkhat leuleu lah bangmah akingailou, kisitlua bang leng ki-om thepthup zel hi. Nupi khat ngial houh kingaiselua ahihman in "Ka vokpi un nou nei lele khatle pha kenteh" achi chi in chiamnuh in kigen hi. Vok in nou aneih lebel khatle phalou chih omthei samkei dia atawmpen in khatbek a phasam diing. Ei Khrisianta leng Pathian nasepna toh kisai ahih chiang in hiai a chiamnuh a kigen nupi nu toh I kibat hun uh tampi a om hi. Toupa a diing a bangmah hihtheih neilou a kingaihsun in bangmah hih sawmlou in tampi kihing hi.

I buaina uh ahihleh hih theih bangmah neihlough hi-lou in, i hihtheihna omte zahpih a, huaite sit a zat ngamlouh ahi. Aigupta sal apan Israelte pikhia diing a Toupa'n Mosi a saplai in leng ahon ngaikhekei diing uh chi'n Mosi a kisit hi. Huaitak in "Toupa'n a kiang ah, **na khut a bang ahia?** A chi a; aman, **chiang** a chi hi. (Exodus 4:2). Mosi khut a om chi-ang Toupa'n gul a suaksak a huai chiang toh Israelte pikhia diing in a sawl hi. Mosi khut a om chiang leltak himahleh huai chiang zang in Tuipi san sattan in a om (Exodus 14:15-16). Huai chiang mah in gamdai a tui duh dangtak a a-omlai un suangpi apan Israelte dawn diing tuisiang a pawtsak hi (Exodus 17:5-6). Huai Mosi khut a om chiang mah in Aigupta gam pumpi a tui om tengteng sisan a suaksak thei hi (Exodus 7:14-24).

Milian Goliath sual diing a akuan lai in David in a khut ah lum leh tei a tawikei. Chiang leh suangtang leh vai-suanglot leltak toh a kuan hi (1 Samuel 17:40). Huaite lel mah zang in Pathian in David tuh Saul sepaihte'n a ngaplouh uh tong 6 val asang Goliath tung a vualzawlna pia in Philistiate apan in Israelte a hunkhia hi. Huai hun lai a sepaihte kithopna ahih ziak in Saul sepaihten a khut uah lum leh tei leh namsau, David khut a om sang a thupizaw a tawi ngei diing uh. Himahleh amau a khut ua omte a sit ziak un Goliath alau ua, adou ngamkei uh. Himahleh David inbel a khut a om chiang leltak sitlou in Toupa muang in Goliath dou diing in a kuankhia a ava zou maimah hi.

Mipi 5000 vakna I Toupa vanzat tuh **pasal naupang khut a om tuh Barli buh tanghou phel 5 leh ngasa 2** lel ahi (Johan 6:9). Naupang khut a om zang in mi 5000 vak in ana om. Naupang in a khut a tanghou phel 5 leh ngasa 2 mipi 5000 a di'n tawmlua chi'n sit henla pulak ngamkei leh I Toupa'n a zatsak diam? Zang lou hial diing ahi. Koilai hiam apan in bel mipi 5000 nek diing a saktuhsak veve kha diing.

Ahileh "**Nang khut ah bang a om a?**" I khut a bang hiam om chiat ahi. Pathian in michih bang hiam amah a dia zat diing hon pechiat ahi (cf. Matthai 25:14ff). Pathian in ahon piak huai I khut a ompen Amah toh zat ahih chiang in thil thupitak semsua theih ahihdan I theih uh ka deih hi. Ei hanta I suang lehbel bangmah kihilou diing mah ahi himahleh Khris neite ihi ua, Amah hatna toh thil thupitak I sem thei hi. Paul in hichi'n ana chi hi, "**A hon hihhat pa Khris ziak in thilteng ka hihthei hi**" (Philipite 4:13). Paul kia hilou in en leng Khris toh thil thupi tampi kitem thei hi.

I khut ah hun piak in I om uh. Pathian hon piak ahi a, ei deihna hilou in hon petu Pathian deihna toh kituak a I hunte I zat ngeinge diing ahi. A phatuam thei bangpen a I hunte Toupa a dia zang diing a hasot a omte ihi uh (Ephesate 5:15-17). Huan, I khut ah Tanchinhoi a om. Huai Tanchin hoih tuh hotdamna dia Pathian thil hihtheihna ahi a I zahpih diing ahikei (Romte 1:16; Heb. 4:12).

Thukhitna: Israelte pikhiakna diing in Pathian in Mosi khut a om chiang mah ana zang hi. Philistiate khut apan pikhiakna diing in leng David khut a omte mah I Toupa'n a zang hi. Huan, mipi 5000 vakna diing in leng pasal naupang khut a om tanghou phel 5 lel ngasa 2 lel Toupa'n ana zang hi. Tuhun in leng I Toupa'n ei khut a omte mah zang in thil thupitaktak semnuam hi. I khut a omte I sit a, I zahpih laiteng I Toupa'n zang kha theilou diing hi. Saul sepaihte'n a khut uah temsau leh tei tawi mahleh uh Goliath douna diing a asit ziak un Goliath zoh in a omkei chih thei ni. Mi khut a ompen buaipih kenla; nang khut a ompen lel mah toh Toupa a din kalsuan in. Na hih theihlouhte ngaihtuahkop lou in nang hih theihpen mah toh Toupa nasem lel in... Pian buching a piang napi a Toupa a dia hihtheih bangmah neilou ka hi na chih ngeingei leh "**Ka vok un nou nei lele khat le pha kenteh**" chinu toh kilamdang lou diing hiteh!

PLACE OF WORSHIP
 Secred Heart Cathedral,
 Yusuf Sadan, Ashoka Road ,
 Delhi - 110001
 Phone No. 9953968807
 website : www.cocdelhi.org

**'KHRIS' SUANGPHUM, A WEEKLY BULLETIN FOR
 THE MEMBERS OF THE CHURCH OF CHRIST, DELHI,
 ON THE FIRST DAY OF THE WEEK'**

Enkaitu : Jamson Guite

BIBLE CLASS
Class **Teacher**
 Adult : James, Siamkhanmuan
 Inter. : Biakmang & Jamson
 Junior : Minlun & Suanlian
 Primary : Vungngaihkim & Rose
 Beginner : Chingkhanlun & Nuam

**TOUPA NI'
 THILPIAK**

Date 1.1.2023 = 51,201/-

THOUGHT OF THE WEEK

*Na thu theisakte ka kipahna ahi a,
 thupha hon hilhte a hi uh
 - Sam 119:24*

THU TUAMTUAM

THU TUAMTUAM

BIAKNA HUNZEEK

TOUPA' NI

DATE 8.1.2023

Hun-uk thumna : Janglet
 Lapi : Lang James
 Thilpiak : Chinlunmang
 Theihgigena : Nekkhothang
 Thugen : Jamson
 Thumna : Thangliankhup

MIDWEEK ONLINE BIBLE CLASS

DATE 11.01.2023

Thumna : Khamminthang
 Sinsaktu : Chuck Horner
 Thumna : Pauminlun

KIGINNI

DATE 14.1.2023

Hun-uk thumna : Kammuanlal
 Lapi : Mungsuan
 Thugen : Jangminthang
 Thumna : Dongkhanlian

TOUPA' NI

DATE 15.1.2023

Hun-uk thumna : Kammuanlal
 Lapi : Mungsuan
 Thilpiak : Ginsuan
 Theihgigena : Thangbiakmang
 Thugen : Jamson
 Thumna : Jangthang

MIDWEEK BIBLE CLASS KIPANTA

❖ Kal paita nilaini (date 4.1.2023) nitak apan in midweek online bible class zoom tungtawn in neipat in om nawnta hi. Genesis laibu sutna in kipan hi. Thukhun lui laibute abanban a sintouh hi diing hi. Lunglut huai mahmah. Tamkhop kitel mah leh a tellou leng ki omzek lai. Tukul apan in kuapeuh in ngaikhok in, kimansak in tel ngeingei diing in kisa ni.

ZINKHIA

❖ Unaupa Siamkhanmuan in kal paita sung in sepna vai toh kisai in north east state tuamtuam pha diing in ana zinkhia hi. Damleh tukul sung khong in hongtung kik diing hi.

KUAN NAWNTA

❖ A phalbi suti uh a beitaik ziaik in kal paita sung in unaupa Lunsang in a siamsinna sunzom diing in honna kuankhiak san nawnta hi.

HONGZIN UH

❖ Kal paita ningani in unaupa Khamzadong-te nupa leh unaupa Lianminthang-te innkuan Delhi hongzin uhi. Unaupa Tawnsianpaute veh diing leh hun awl zang kawm diing a hongzin hih uh a, ilak uah omlel uhi. Bangtan nituang diing uhiam chih bel theih hitadih lou hi.

KIK NAWNTA UH

❖ Delhi a innkuante veh diing leh hun awl zang dia hongzin unaunu Rosely Thiankim in kal paita sintawpni in Lamka lam ah honna kiksanta hi.

❖ Huchi mahbang in unaupa Lunsan in leng kal paita sintawpni in Delhi nusia in Lamka lam honna zonsat nawnta hi.

SUTI HONGPAI

❖ Zanlam zek a Rajasthan a sepna kisuan unaupa Chinsuanmung suti hongpai in Delhi ah omlel hi. Amau tukul sung vel in a innkuan un Lamka lam ah pai diing uhi. A innkuanpihte Lamka lam ah tawlkhat om photta diing uhi.

MEETING OM

❖ Gelkhol sa bang in zan kiginni in business chairman thak unaupa Thogginlian inn ah business meeting neih in om hi. Hiai meeting ahihleh tukum a diing a akhatveina ahi. Hiai hun ah thu poimoh tamtak genkhawm in om hi. Meeting thupuknate biakkhawmna mun ah simkiak hi diing hi.

BIAKNA HUN NGEINA HINAWNTA

❖ Amun lemtang louh ziaik in nipi kal nih kiginni leh Toupa Ni biakna hun ngeina dan hitheikei mahleh zan kiginni apan in ngeina bang a neih hinawnta hi. Toupa Ni zinglam dak 10 hi a, kiginni nitaklam dak 6 ahi. Chiamteh ni.

KIKTA UH

❖ Unaupa Khammuanthangte kal masa in Lamka lam ah ana kikta uhi. Huai lam a ki-etkolna sunzom diing uhi. Hoihtak a hong ki-etkol ua damna hoihtak ahong neih uh i deihsak uhi.

CHURCH OF CHRIST, DELHI

**Financial Report
 December, 2022**

Opening Bal.	10,39,157.91
Total Recd.	1,81,634.00
Grand Total	12,20,791.91
Total Expnd.	1,68,267.00
Closing Bal.	10,52,524.91